



Na osnovu člana 5.22 stav (3) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i člana 18. Poslovnika Centralne izborne komisije Bosne i Hercegovine ("Službeni glasnik BiH", br. 50/07, 33/09, 24/13 i 32/14), a u vezi odluke o raspisivanju i održavanju prijevremenih izbora za načelnika Općine Trnovo broj: 05-1-02-2-903-1/17 od 27.07.2017. godine, Centralna izborna komisija Bosne i Hercegovine je na 43. sjednici, održanoj 31.08.2017. godine, donijela

ODLUKU
o uspostavi Glavnog centra za brojanje i imenovanju direktora i
zamjenika direktora Glavnog centra za brojanje za provedbu prijevremenih izbora
za načelnika Općine Trnovo

Član 1.

(1) Centralna izborna komisija Bosne i Hercegovine (u daljnjem tekstu: Centralna izborna komisija BiH) formira Glavni centar za brojanje za pripremu i provedbu prijevremenih izbora za načelnika Općine Trnovo, koji će se održati u nedjelju, 24. septembra 2017. godine.

(2) Glavni centar za brojanje se uspostavlja za period od 31.08.2017. godine do potvrđivanja izbornih rezultata.

(3) Glavnim centrom za brojanje rukovodi direktor Glavnog centra za brojanje i tri zamjenika direktora Glavnog centra za brojanje.

Član 2.

(1) Za direktora i zamjenike direktora Glavnog centra za brojanje imenuju se:

- a) Adi Agić, direktor,
- b) Uma Isić, zamjenica direktora,
- c) Veljko Petrović, zamjenik direktora i
- d) Mladen Vičević, zamjenik direktora.

(2) Direktor i zamjenici direktora Glavnog centra za brojanje se imenuju na period od dana imenovanja pa do potvrđivanja izbornih rezultata i odgovorni su za svoj rad Centralnoj izbornoj komisiji BiH.

Član 3.

(1) U Glavnom centru za brojanje će se obavljati slijedeći poslovi:

- a) prijem i kontrola biračkog materijala birača koji glasaju putem pošte, nepotvrđenih-kovetiranih glasačkih listića i mobilnog tima,
- b) verifikacija prava glasa birača iz tačke a) ovog člana,
- c) brojanje i unos glasova iz tačke a) ovog člana,

d) ponovno brojanje po odluci Centralne izborne komisije BiH i

e) drugi poslovi utvrđeni podzakonskim aktima Centralne izborne komisije BiH.

(2) Poslovi iz stava (1) ovog člana obaviti će se u sjedištu Glavnog centra za brojanje u Sarajevu, zgrada Centralne izborne komisije BiH u ulici Danijela Ozme broj 7.

Član 4.

Ova odluka stupa na snagu danom donošenja i objavit će se na web stranici Centralne izborne komisije BiH www.izbori.ba.

Broj: 05-1-07-11-980-1/17
Sarajevo, 31.08.2017. godine



Zamjenjuje predsjednicu

Branko Petrić, član